

Član 3.

Ova Odluka stupa na snagu danom objavljivanja na Oglasnoj ploči Općine Stari Grad Sarajevo, a naknadno će biti objavljena u "Službenim novinama Kantona Sarajevo".

Broj 02-49-528/11  
30. novembar 2011. godine  
Sarajevo

Predsjedavajući  
Općinskog vijeća  
Stari Grad Sarajevo  
Prof. dr. **Rizah Avdić**, s. r.

Odluka je objavljena na oglasnoj ploči 1.12.2011. godine.

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH", broj 49/06) i člana 10. i 25. Statuta Općine Stari Grad Sarajevo ("Službene novine Kantona Sarajevo", broj 31/08), Općinsko vijeće Stari Grad Sarajevo, na sjednici održanoj 30. novembra 2011. godine, donijelo je

**PRAVILNIK**

**O STIPENDIRANJU DJECE ŠEHIDA - POGINULIH  
BORACA, RATNIH VOJNIH INVALIDA I  
DEMOBILISANIH BORACA**

Član 1.

Ovim Pravilnikom utvrđuju se kriteriji za dodjelu stipendija djeci šehida-poginulih boraca, ratnih vojnih invalida i demobilisanih boraca.

Pravilnikom se utvrđuju osnove, način i kriteriji stipendiranja učenika srednjih škola i studenata, koji imaju prebivalište na području Općine Stari Grad Sarajevo, a koji ne koriste stipendiju po drugom osnovu.

Član 2.

Pravo učešća na Konkursu za stipendiranje imaju učenici srednjih škola i studenti koji se u tekućoj školskoj godini, za koju je i raspisan Konkurs, nalaze na redovnom školovanju.

Član 3.

Odluku o raspisivanju i sprovođenju Konkursa za stipendiranje donosi načelnik Općine.

Isplata stipendija vršit će se po okončanju Konkursa, a precizirat će se Ugovorom o stipendiranju.

Član 4.

Odluku o stipendiranju provodi načelnik Općine putem Službe za boračko-invalidsku zaštitu.

**SREDSTVA**

Član 5.

Godišnjim planom stipendiranja studenata i učenika svake se godine u Budžetu Općine planiraju sredstva za stipendiranje, koja se procentualno raspodjeljuju:

- redovno školovanje studenata na visokoškolskim ustanovama 60%
- redovno školovanje učenika u srednjem obrazovanju 40%

Stipendije za studente i učenike dodjeljuju se proporcionalno po godinama studija, odnosno po razredima. U slučaju da ima manje prijavljenih kandidata na određenoj godini, stipendije se proporcionalno dijele na više godine studija, odnosno na više razrede.

Prioritet u podjeli su više godine studija, odnosno viši razredi.

**IZBOR KANDIDATA**

Član 6.

Izbor kandidata za stipendiranje vrši se na osnovu kriterija iz člana 13. ovog Pravilnika, a putem prijave na Javni konkurs.

Konkurs raspisuje načelnik Općine.

Konkurs sadrži:

- uslove koje kandidati moraju ispunjavati
- broj kandidata koji se stipendiraju

- rok za podnošenje prijave

- način prigovora po rezultatima Konkursa i duge podatke.

Konkurs se objavljuje u novinama, na oglasnoj ploči Općine i zvaničnoj web stranici Općine, i to do 31. oktobra za tekuću školsku godinu.

Član 7.

Izbor kandidata vrši načelnik Općine, na osnovu prijedloga Komisije za izbor kandidata - korisnika općinske stipendije, u skladu sa kriterijima utvrđenim ovim Pravilnikom, o čemu informiše Općinsko vijeće.

Komisiju za izbor kandidata - korisnika općinske stipendije posebnim Rješenjem imenuje načelnik Općine.

Komisija je sastavljena od 5 (pet) članova i to: jednog predstavnika Službe za boračko-invalidsku zaštitu, jednog predstavnika Komisije za pitanja boraca i žrtava rata - radnog tijela Općinskog vijeća Stari Grad Sarajevo i tri predstavnika boračkih udruženja (Udruženje šehidskih porodica, Udruženje RVI i Udruženje demobilisanih boraca).

Svaki učesnik u javnom pozivu mora biti pismeno obaviješten o rezultatima izbora najkasnije u roku od 15 dana od dana izbora, a nezadovoljni učesnik u javnom pozivu može podnijeti prigovor za zaštitu svojih prava Drugostepenoj stručnoj komisiji Općinskog vijeća u roku od 8 dana od prijema obavještenja.

Odluka Drugostepene komisije Općinskog vijeća je konačna.

Član 8.

Sa izabranim kandidatima zaključuje se Ugovor o dodjeli stipendije, kojim se regulišu međusobna prava i obaveze učenika/studenata i Općine Stari Grad Sarajevo.

Ugovor potpisuje student/učenik, njegov roditelj/staratelj i načelnik Općine u ime Općine Stari Grad Sarajevo.

Ugovor iz stava 1. ovog člana potpisuje se između načelnika Općine, sjedne strane, i roditelja - staratelja učenika, odnosno studenta, s druge strane.

Član 9.

Stipendije se dodjeljuju za jednu školsku - nastavnu godinu i isplaćivat će se za 10 mjeseci (trajanje školske - nastavne godine), što će se precizirati Ugovorom.

Član 10.

Visina mjesečne stipendije za učenike i studente iznosi:

- u srednjim školama 80,00 KM
- u visokoškolskim ustanovama 120,00 KM

Broj studenata se utvrđuje svake godine zavisno od visine odobrenih sredstava u Budžetu Općine za tu namjenu.

Član 11.

Stipendije se ne dodjeljuju kandidatima:

- čiji roditelji odnosno uža porodica ima mjesečna primanja veća od 2 prosječne plaće FBiH iz prethodne godine;
- koji se već stipendiraju iz drugih izvora;
- za dva i više učenika - studenata iz iste porodice;
- studentima i učenicima koji obnavljaju godinu, a koji su bili korisnici stipendije za prošlu školsku godinu;
- djeci sa navršениh 25 godina života;
- djeci čiji roditelj nema najmanje 1 (jednu) godinu provedenu u Armiji BiH.

**KRITERIJI ZA DODJELU STIPENDIJA**

Član 12.

1. Bodovi po osnovu rezultata u učenju:

- za učenike, prosječna ocjena u pethodnoj školskoj godini, zaokružena na jednu decimalu i pomnožena sa 15 (4,0x15=60,0 bodova)
- za učenike I razreda srednje škole prosječna ocjena u osmom razredu osnovne škole, zaokružena na jednu decimalu i pomnožena sa 10 (4,0x10=40,0 bodova)

- za učenike generacije osnovne i srednje škole 10,0 bodova
- ponos generacije 5,0 bodova
- za studente na I godini studija prosječna ocjena u IV razredu srednje škole, zaokružena na jednu decimalu i pomnožena sa 15 (4,0x15=60,0 bodova)
- za studente viših godina studija i magistranti po bolonjskom sistemu školovanja, prosječna ocjena iz prethodne godine zaokružena na jednu decimalu i pomnožena sa 18 (8,0x18=164,0 bodova)

2. Dodatni bodovi po osnovu rezultata postignutih na raznim nivoima takmičenja

Za studente i učenike srednjih škola na takmičenjima koje organizuje resorno Ministarstvo za obrazovanje i to:

Na općinskom nivou:

I mjesto . . . . .	3,0 bodova
II mjesto . . . . .	2,0 bodova
III mjesto . . . . .	1,0 bodova

Na kantonalnom nivou:

I mjesto . . . . .	6,0 bodova
II mjesto . . . . .	4,0 bodova
III mjesto . . . . .	2,0 bodova

Na federalnom nivou:

I mjesto, . . . . .	12,0 bodova
II mjesto . . . . .	8,0 bodova
III mjesto . . . . .	4,0 bodova

Na državnom nivou (BiH) . . . . . 15,0 bodova

Učešće na učeničkoj svjetskoj olimpijadi . . . 20,0 bodova

3. Dodatni bodovi po osnovu otežanih uslova života koji su nastali kao posljedica rata:

- učenik ili student bez oba roditelja koji su poginuli kao pripadnik OS RBiH (Armije BiH i MUP) 12,0 bodova
- učenik ili student bez jednog roditelja koji je poginuo kao pripadnik OS RBiH (Armije BiH i MUP-a) 8,0 bodova
- učenik ili student čiji je jedan od roditelja RVI 7,0 bodova
- učenik ili student čiji je jedan od roditelja nosilac najvećeg ratnog priznanja 5,0 bodova
- učenik ili student čiji je jedan od roditelja kao RVI i demobilisani borac umro poslije rata prirodnom smrću 5,0 bodova
- učenik ili student dijete demobilisanog borca 4,0 bodova

4. Dodatni bodovi po osnovu primanja po članu domaćinstva:

- učenik - student čija porodica nema primanja 20,0 bodova
- učenik - student čija porodica ima primanja do prosječne plaće u Federaciji iz prethodne godine 12,0 bodova
- učenik - student čija porodica ima primanja od do prosječne plaće u Federaciji iz prethodne godine 8,0 bodova
- učenik - student čija porodica ima primanja od do 1 prosječne plaće u Federaciji iz prethodne godine 6,0 bodova
- učenik - student čija porodica ima primanja od 1 do 1 prosječne plaće u Federaciji iz prethodne godine 4,0 bodova
- učenik - student čija porodica ima primanja od 1 do 2 prosječne plaće u Federaciji iz prethodne godine 2,0 bodova
- za svakog nezaposlenog člana domaćinstva 5,0 bodova

Članom domaćinstva u smislu ovog Pravilnika smatra se: otac, majka, braća i sestre.

Član 13.

Djeca bez oba roditelja, čiji su roditelji poginuli kao pripadnici Armije BiH, odnosno umrli nakon agresije, a čiji su jedan ili oba roditelja u toku agresije bili pripadnici Armije BiH,

imaju pravo na dodjelu stipendije bez obzira da li ispunjavaju ostale uslove iz ovog Pravilnika.

Član 14.

U slučaju da prijavljeni kandidati pri bodovanju imaju isti broj bodova, prednost će imati učenik - student koji ima bolji prosjek ocjena, a ako su isti onda će kandidat čija su primanja po članu domaćinstva niža imati prednost.

Član 15.

Pravo načelnika Općine je da obustavi isplate stipendija, shodno uslovima iz ovog Pravilnika, a o istom će izvijestiti Općinsko vijeće.

Član 16.

Roditelj - staratelj učenika i studenta koji je potpisnik Ugovora o stipendiranju, dužan je da vrati sav iznos sredstava koji je primio za stipendiranje, ako:

- kandidat napusti redovno školovanje
- izgubi pravo na dalje školovanje.

Član 17.

Ovaj Pravilnik će se primjenjivati počev od školske 2011/2012. godine.

Član 18.

Stupanjem na snagu ovog Pravilnika prestaje da važi Pravilnik o dodjeli stipendija - Prečišćeni tekst ("Službene novine Kantona Sarajevo", broj 6/11).

Član 19.

Ovaj Pravilnik stupa na snagu danom donošenja i bit će objavljen u "Službenim novinama Kantona Sarajevo".

Broj 02-49-561/11  
Novembar 2011. godine  
Sarajevo

Predsjedavajući  
Općinskog vijeća  
Stari Grad Sarajevo  
Prof. dr. **Rizah Avdić**, s. r.

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH", broj 49/06) i članova 10., 12., 23., 25., 36., 70. i 71. Statuta Općine Stari Grad Sarajevo (prečišćen tekst) ("Službene novine Kantona Sarajevo", broj 31/08) na 34. sjednici Općinsko vijeće Općine Stari Grad Sarajevo, donosi

**PRAVILNIK**

**O STIPENDIRANJU NADARENIH UČENIKA I STUDENATA**

**OSNOVNE ODREDBE**

Član 1.

Pravilnikom o stipendiranju nadarenih učenika i studenata (u daljem tekstu: Pravilnik) utvrđuju se, način i kriteriji stipendiranja nadarenih učenika i studenata koji se nalaze na redovnom školovanju u srednjim i visokoškolskim ustanovama, državljanima su Bosne i Hercegovine, a imaju prebivalište na području Općine Stari Grad Sarajevo duže od 3 godine.

Član 2.

Pravo na stipendiranje po ovom Pravilniku imaju nadareni učenici i studenti koji nisu obnavljali godinu, a koji su u prethodnoj školskoj/akademskoj godini postigli uspjeh u školi odnosno fakultetu/akademiji i to:

- učenici srednjih škola sa najmanjom prosječnom ocjenom 4,80;
- studenti fakulteta/akademija i pridruženih članica univerziteta sa najmanjom prosječnom ocjenom 8,50.

**STIPENDIRANJE**

Član 3.

Općinsko vijeće na prijedlog načelnika Općine donosi Plan stipendiranja nadarenih učenika i studenata za tekuću školsku/akademsku godinu.